



Broj: 01-5698-3/23
Sarajevo, 12.01.2024.godine.

Na osnovu člana 64. stav (1) tačka b., člana 70. stav (1), (2), (3), (6) Zakona o javnim nabavkama („Službeni glasnik BiH“, broj 39/14 i 59/22), člana 71. Zakona o visokom obrazovanju („Službene novine Kantona Sarajevo“ broj: 36/22), Zapisnika o pregledu i ocjeni ponuda Komisije za javne nabavke, broj: 01-5698-2/23 od 12.01.2024. godine, dekan Fakulteta, donosi sljedeću:

ODLUKU

o izboru najpovoljnijeg ponuđača za nabavku usluge – izrade elaborata iz oblasti tehničke zaštite

Član 1.

Prihvata se preporuka Komisije za javne nabavke iz Zapisnika o pregledu i ocjeni ponuda broj:01-5698-2/23 od 12.01.2024.godine za izbor firme SWORD SECURITY d.o.o. Sarajevo, ul. Alipašina 83, 71000 Sarajevo, IDB: 4200445860003 za najpovoljnijeg ponuđača za nabavku usluge – izrade elaborata iz oblasti tehničke zaštite za potrebe Univerziteta u Sarajevu - Fakulteta sporta i tjelesnog odgoja, prema kriteriju „najniže cijene“.

Ugovor za nabavku usluge – izrade elaborata iz oblasti tehničke zaštite za potrebe Univerziteta u Sarajevu - Fakulteta sporta i tjelesnog odgoja, dodjeljuje se firmi SWORD SECURITY d.o.o. Sarajevo, ul. Alipašina 83, 71000 Sarajevo, IDB: 4200445860003, čija ukupna cijena ponude predmetne nabavke roba iznosi 3.600,00 KM bez PDV-a (slovima:Trihiljadešeststotina i 00/100KM), odnosno 4.212,00 KM sa PDV-om (slovima:Četiri hiljadedvjestotinedvanaest i 00/100KM).

Član 2.

Izabrani ponuđač je obavezan u roku od 5 dana od dana prijema ove odluke u svrhu dokazivanja lične sposobnosti (član 45.Zakona) ugovornom organu dostaviti sljedeće:

- a. Uvjerenje Suda BiH i nadležnog suda prema sjedištu pravnog lica, odnosno kandidata/ponuđača, da u krivičnom postupku nije osuđen pravosnažnom presudom za krivična djela organizovanog kriminala, korupciju, prevaru ili pranje novca;
- b. Uvjerenje nadležnog Suda ili organa uprave kod kojeg je registriran ponuđač kojim se potvrđuje da nije pod stečajem ili nije predmet stečajnog postupka, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno u postupku je obustavljanja poslovne djelatnosti;
- c. Uvjerenje nadležnih institucija kojim se potvrđuje da ponuđač uredno izmiruje dospjele obaveze, a koje se odnose na obaveze za penzijsko i invalidsko osiguranje i zdravstveno osiguranje;
- d. Uvjerenje nadležne/ih institucija o uredno izmirenim obavezama po osnovu direktnih i indirektnih poreza.

Dokazi koje dostavlja izabrani ponuđač ne mogu biti stariji od tri mjeseca, računajući od momenta predaje ponude. Izabrani ponuđač mora ispunjavati sve uslove u momentu predaje ponude, u protivnom se smatra da je dao lažnu izjavu iz člana 45. Zakona.

Zadužuje se Komisija za javne nabavke imenovana odlukama dekana broj: 01-1870/23 od 05.05.2023. godine i 01-2162/23 od 19.05.2023.god godine, da sačini Zapisnik o dostavljanju dokaza lične sposobnosti (član 45. Zakona) iz stave 1. ovog člana.

Član 3.

Ova odluka objavit će se na web-stranici fakulteta www.fasto.unsa.ba, istovremeno s upućivanjem ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

Član 4.

Ova odluka stupa na snagu danom donošenja i dostavlja se ponuđačima, shodno članu 71. stav (2) Zakona o javnim



nabavkama.

Obrazloženje

Postupak javne nabavke pokrenut je Odlukom o pokretanju konkurentskog zahtjeva za dostavljanje ponuda za nabavku usluge – izrade elaborata iz oblasti tehničke zaštite, broj: 01-5426/23 od 08.12.2023. godine.

Javna nabavka je provedena putem konkurentskog zahtjeva za dostavljanje ponuda.

Ukupna procijenjena vrijednost javne nabavke bez PDV-a je 5.600,00 KM.

Obaviještenje o nabavci broj: 29327-7-2-29-3-39/23 sa tenderskom dokumentacijom, objavljeno je na Portalu javnih nabavki dana 12.12.2023. godine, a sažetak obavještenja o nabavci objavljen je u Službenom glasniku BiH, broj: 84/23 od 15.12.2023.godine.

Tenderska dokumentacija je objavljena na portal "E-nabavke" u skladu sa članom 55. ZJN.

U periodu koji je ostavljen za preuzimanje ponuda, tačnije do dana 15.12.2023.godine, nije bilo postavljenih pitanja.

Na osnovu obavještenja na Portalu javnih nabavki i sažetka obavještenja u Službenom glasniku BiH, tendersku dokumentaciju sa Portala javnih nabavki je preuzelo 10 (deset) ponuđača.

Rok za dostavljanje ponuda bio je do 22.12.2023.godine u 12:00 sati. Javno otvaranje ponuda obavljeno je istog dana sa početkom u 12:30 sati o čemu je sačinjen i zapisnik o otvaranju ponuda broj: 01-5698-1/23 od 22.12.2023.godine.

Rang lista prihvatljivih ponuda prema kriteriju najniža cijena:

| R.br | Naziv ponuđača | IDB/JIB | Konačna cijena u KM bez PDV-a | Rang |
|------|---------------------------------|---------------|-------------------------------|------|
| 1. | DSC d.o.o. | 4200144230004 | 5.600,00 | 1 |
| 2. | MIDDLE POINT ELECTRONICS D.O.O. | 4201204440000 | 5.600,00 | 1 |
| 3. | SWORD SECURITY d.o.o. | 4200445860003 | 5.600,00 | 1 |

Komisija za javne nabavke dostavila je dana 12.01.2024.godine Zapisnik o pregledu i ocjeni ponuda broj: 01-5698-2/23 od 12.01.2024.godine.

U postupku je utvrđeno da je Komisija za javne nabavke blagovremeno i pravilno izvršila otvaranje ponuda i ocjenu prispjelih ponuda, u kojima je utvrđeno sljedeće:

- da je ukupan broj pristiglih ponuda 3 (tri)
- da neblagovremenih ponuda nije bilo
- da su blagovremeno zaprimljene 3 (tri) ponude

Komisija je izvršila ocjenu pristiglih ponuda ponuđača i konstatovala da su iste prihvatljive, odnosno da su u skladu sa zahtjevima koji su navedeni u tenderskoj dokumentaciji.

U skladu sa tenderskom dokumentacijom i Obavještenjem o nabavci broj: 29327-7-2-29-3-39/23 od 12.12.2023.godine, za predmetnu nabavku predviđeno je provođenje E-aukcije. Ugovorni organ je nakon prijema, otvaranja i analize ponuda proveo E-aukciju u skladu sa Pravilnikom o uslovima i načinu korištenja E-aukcije



(„Službeni glasnik BiH“ broj 66/16).

E-aukcija kvalificiranih ponuđača je započela dana 26.12.2023. godine u 11:20:00 sati.

E-aukcija je završena dana 26.12.2023.godine u 11:34:00 sati.

Nakon svega utvrđenog Komisija je pristupila rangiranju prihvatljivih ponuda na temelju kriterija najniže cijene.

Konačna rang lista ponuđača koji su učestvovali u e-aukciji:

| R.br | Naziv ponuđača | IDB/JIB | Konačna cijena u KM bez PDV-a | Rang |
|------|---------------------------------|---------------|-------------------------------|------|
| 1. | SWORD SECURITY d.o.o. | 4200445860003 | 3.600,00 | 1 |
| 2. | DSC d.o.o. | 4200144230004 | 3.680,00 | 2 |
| 3. | MIDDLE POINT ELECTRONICS D.O.O. | 4201204440000 | 4.600,00 | 3 |

Slijedom gore navedenog, nakon pregleda i ocjene ponuda i izvršene E-aukcije u postupku nabavke usluge – izrade elaborata iz oblasti tehničke zaštite, Komisija za javne nabavke predložila je dekanu prihvatanje ponude ponuđača SWORD SECURITY d.o.o. Sarajevo, Alipašina 83, 71 000 Sarajevo, prema kriteriju “najniža cijena”, te shodno članu 70. Zakona, donošenje Odluke o izboru najpovoljnijeg ponuđača za predmetnu nabavku usluge – izrade elaborata iz oblasti tehničke zaštite.

Uvidom u priloženu dokumentaciju, nesporno je da je izabrani ponuđač SWORD SECURITY d.o.o. Sarajevo, Alipašina 83, 71 000 Sarajevo, odabran primjenom kriterija najniže cijene koja je ponudena u iznosu od 3.600,00 KM bez PDV-a, odnosno 4.212,00 KM sa PDV-om.

Obzirom na naprijed navedeno, odlučeno je kao u dispozitivu ove odluke.

POUKA O PRAVNOM LIJEKU:

Protiv ove odluke može se izjaviti žalba, najkasnije u roku od 5 (pet) dana od dana prijema ove odluke. Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi. Žalba se podnosi u najmanje tri (3) primjerka.

Akt
Sen

Dostaviti:

- Dekan
- Ponuđači
- Stručni saradnik za javne nabavke
- Komisija za javne nabavke
- Računovodstvo
- Pravna služba
- Web stranica
- a/a